

ЭССЕ

1984 дуслизиб Дагъиста пачалихъла университет таманбарира. Ил дуслизир МикІхИла школализи рузес ракіра. Илала гІергъи чумра класс дураира.

Сен ну учительница ретаэс пикрибарира? Илис чумал сабаб лер. Цаибилгъуна, дила неш-дудеш учительти сабри. Дудеш-Арсланбеков ХІясбулагъ МяхІяммадович, Дагъиста заслуженный учитель, халкъла багъудила отличник, урибси краевед, спортсмен, историк. Илала лерил гІямру дурхІначил дархдасунтири. 60 дус школализиб хІянчи бариб. Дудешла узи Арсланбеков Багъаудин Арсланбекович-историяла гІилмуртла кандидат. Арсланбеков ГІябдула МяхІяммадович-физикала гІилмуртала кандидат. Нушала хъалибаргла педогогический стаж 200 дусличира абиркур.

Дурсрачир, классла дурарти балбуцуначил нуни дила шила пергер адамтачил тянишбирули рирус ва илдачи пахрубирахъес бурсирирули рирус.

Дила хІянчила бекІлибиубси мурад-дурхІназир дарган мезличи диги адикъни, чеалкІуси наслулизи нушала бегІтала гІяхІти гІядатуни гІерасахъес, адамла хъурмат бирни, гІягІнибикибхІели кумекла някъ гъабалтни, литературализир дучІути произведениезибад мисал кайсни. Произведениела геройтачи саби мешубикес кайгъилизиб биахъес, гІяхІси гІебисахъес, вайси тикрар хІебирахъес, чула гІямрулизиб чуни бирусигъуна гІяхІдеш бирахъес-хІера ихичи бурси барни саби дила мурад.

ЦархІил мурад саби дила дарган мезличи-диги адикъни. Ил багъандан нуни дарган мезлис ва литературалис хасдарибти классуни-ургарти абзани дурадуркІули рирус хІязла формаличил. ХІяз пайдала барнили дарс аргъахъес кумек бирули саби.

Дила творческий хІянчурбала ца бутІа саби дурсрала тематический планти.

Наб гъанбиркули саби гъарил адамла, виштІалла ва халалла, гъар бархІи бехІбиргъес гІягІнили саби гІергъити дугъбачил:

Барира – беркъуди саб,

ХІебирис – гІелаухъни

ХІейрусра – удиикни

ГІягІнил саб – хІела чебла

ХІялумцІла – даимла гъай

Бирис – разидешла дев

Вирус – ил хІела цІакъ саб.

1984 дусличирад гъанна бикайчи-2020 дус бакІайчи МикІхІила школализир-лицейлизир рузулра. Чумра грамоталичил шабагъатла рарилра. «Почетный работник общего образования РФ»-2011 дус ветеран труда.

35 дус дурхІнас багъишладарибти гІямру. Ну рирхулра нуни дедибти багъудлуми дила ученикунани мардирниличи, гІямрулизиб гІягІнибикибхІели, илдала барси гъуни чеббиркІниличи.

ИшбархІи лерил секІал дарсдиубли сари: культура, адамти, багъуди. Лебил умцІули саби, жалбикІули саби, чула кабилзахъули саби. Амма мурталра кавлан дугъби «Учитель» ва «Ученик», къиянси гъуни ва къиматла сабухъ.